

太上清靈毓真西華瑤池金母寶懺

職司醫院流潤真君溪守靜敬撰

起讚

仰稽西池上 遙瞻太素天 玉堦呈寶色 梵氣結祥烟

圖授虞皇世 踪傳漢武年 九玄名列四 五老烝開先

妙法轄真侶 飛鸞布大千 蟠桃慶海會 丹果宴羣仙

大聖西華金母大天尊 三稱

淨心神咒

太上台星 應變無停 驅邪縛魅 保命護身 智慧明淨

心神安甯 三魂永久 魄無喪傾

道藏輯要

金母懺

夷

柳集一

淨口神咒

丹朱口神 吐穢除氛 舌神正倫 通命養神 羅千齒神

却邪衛真 喉神虎賁 氣神引津 心神丹元 令我通真

思神鍊液 道炁常存

淨身神咒

靈寶天尊 安慰身形 法子魂魄 五臟玄冥 青龍白虎

隊仗紛紜 朱雀玄武 侍衛我真

安土地神咒

元始安鎮 普告萬神 嶽瀆真官 土地祇靈 左社右稷

不得妄驚 回向正道 內外澄清 各安方位 備守壇庭

太上有命 搜捕邪精 護法神王 保衛誦經 皈依大道
元亨利貞

淨天地神咒

天地自然 穢氣分散 洞中玄虛 晃朗太元 八方威神
使我自然 靈寶符命 普告九天 乾羅怛那 洞罡太玄
斬妖縛邪 度人萬千 中山神咒 元始玉文 持誦一遍
却病延年 按行五嶽 八海知聞 魔王束首 眞聖衛軒
兇穢消散 道德成全

金光神咒

天地玄宗 萬炁本根 廣修億劫 證吾神通 三界內外

道藏輯要

金母懺

堯

柳集一

惟道獨尊 體有金光 覆映吾身 視之不見 聽之不聞
包羅天地 養育羣生 誦持萬遍 身有光明 三界侍衛
五帝司迎 萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五氣騰騰 金光速現
覆護眞人

祝香神咒

道由心治 心假香傳 香爇玉爐 心存帝前 眞靈下盼
仙旆臨軒 令臣關告 徑達九天
伏以

混沌未開孰見清甯之奠洪濛既剖始有高厚之分氣之清輕

者爲天天曰乾父氣之重濁者成地地曰坤母因是兩儀以生
四象四象以立八極而主木德者王公位肇乎東則名木父司
金德者王母位鎮乎西則稱金母道冠五行之首品重十華之
先王公統司乾籍王母職掌坤綱佐覆載以施功與天地而合
德第木公崇尚清靜金母累示神奇臨壇多垂訓之文助國庇
生民之壽神靈莫測道範堪師臣等叨列道門恆深仰戴爰潔
齋壇虔誠先啓

紫府玄祖大天尊

玉清元始大天尊

上清靈寶大天尊

道藏輯要

金母懺

全

柳集一
川名刊

太清道德大天尊

昊天玉皇大天尊

后土掌劫大天尊

日月兩曜大天尊

文天斗聖大天尊

勾陳天皇大天尊

紫微星主大天尊

中天五斗大天尊

五方五老大天尊

十極十華大天尊

南極長生大天尊

東極慈父大天尊

北極真武大天尊

西極昭化大天尊

貞明雷祖大天尊

三元三品大天尊

火官紀壽大天尊

旻王慈救大天尊

仁元救苦大天尊

梓潼元皇大天尊

道藏輯要

金母儀

全

柳集

忠武靈佑大天尊

純陽妙道大天尊

靈華太歲大天尊

青霞仙姥何祖元君

青霞繼派孫祖元君

天仙玉女碧霞仙真

海洋赴感天后仙真

桃源洞主麻姑仙真

天孫雲錦織女仙真

瑤池侍御諸位仙真

蓬萊海島得道仙真

玉樞右宰宏教真君

玉宸少宰宏濟真君

右翼玄化流潤真君

悉仗真香普同供養

至心朝禮

少陽大司命東華木父天尊九拜

讚

西瑤仙姥 太妙慈尊 玄宗廣啓轄坤真 金闕在崑崙

叩禱情殷 鑿輿下祥雲

道藏輯要

金母懺

全

柳集

大聖西華金母大天尊三稱

至心皈命禮

靈鍾神州聲馳閬苑托體庚辛之鄉沐浴壬癸之境玉樓重重
不數巫山十二翠水豐豐能教桃熟三千清虛標徵實之奇坤
順轄乾陽之柄五老與爲周旋八洞時承懿旨飛鸞開化乎女
宗駕鶴談玄於淨土克推仙祖允司婦儀大悲大願至玄至仁
西華清靈金母宏慈太妙無上元君

臣等伏聞

崑崙宿海灌溉羣倫紫府洪爐陶鎔萬類是爲水火既濟乃爾
開闢鴻濛惟火資生非木則火無所麗惟水肇始非金則水無

所滋故贊化之功端造乎木調元之柄望兆乎金緬維

西華金母本九立之化炁顯靈異於西陲炁育先天之金流光
耀彩德推羣陰之母毓秀鍾英月姊並駕於中天天后齊驅乎
梵闕雲鬢侍御左右均列仙班鸞馭趨參官府總司女籍誠坤
道之津梁抑瑤天之主宰臣等忝列玄門仰思懿範皈身皈命
遙冀恩光謹潔齋壇虔恭頂禮

至心朝禮

太妙天紫府化炁西華金母元君九拜

金臺亞姆領道上元夫人

金臺彌教司衡南極夫人

道藏輯要

金母懺

全

柳集一

金臺分殿輔教紫微夫人

金臺分殿協化玉卮夫人

金臺分殿佐賢翠華夫人

金臺分殿贊善右英夫人

天孫雲錦太瑤織女星真

瑤池侍御雙成董女仙姬

瑤池侍御飛瓊許女仙姬

瑤池侍御靈華婉女仙姬

瑤池侍御安香段女仙姬

金臺從事嵩翠仙姥

錦閣從事鍾靈仙姥

芸閣領班雲和仙姑

芸閣內史萬善仙姑

瑤池侍御左右諸位仙姬

讚

名高北斗 位奠西陲 中天布化佐無爲 青鳥舜廷飛

益地圖徽 道妙仰玄微

大聖西華金母大天尊三稱

寶誥一遍

臣等伏聞

道藏輯要

金母懺

函

柳集一
川文上

金闕九重彌羅妙玄真之境 鸞林七寶太乙巖東極之都 瑤池
幾可比擬崇麗同深瞻仰瓊樓玉宇靈通迴別人寰璇室珠宮
璀璨更環天府誠爲世塵希有允矣天闕獨尊緬維

西華金母結梵質於九天樹母儀於大地玉樓十二巍巍光碧
之堂錦閣七重渺渺青霄之表瑤池倚爲左帶翠漲乃其右環
弱水層層恆絕舟車之跡神奇累累間呈法象之慈仙山洵冠
海山住世仍超塵世攀焉鮮及仰也彌高臣等忝列玄門仰思
懿範皈身皈命遙冀恩光謹潔齋壇虔恭頂禮

至心朝禮

太妙天紫府化炁西華金母元君九拜

金臺亞姆領道上元夫人

金臺弼教司衡南極夫人

金臺分殿輔教紫微夫人

金臺分殿協化玉卮夫人

金臺分殿佐賢翠華夫人

金臺分殿贊善右英夫人

天孫雲錦太瑤織女星真

瑤池侍御雙成董女仙姬

瑤池侍御飛瓊許女仙姬

瑤池侍御靈華婉女仙姬

道藏輯要

金母懺

金

柳集一

瑤池侍御安香段女仙姬

金臺從事嵩翠仙姥

錦閣從事鍾靈仙姥

芸閣領班雲和仙姑

芸閣內史萬善仙姑

瑤池侍御左右諸位仙姬

讚

長生妙訣 不在丹砂 識得桃源路弗差 努力泛蘭槎

果熟方華 就食壽無涯

大聖西華金母大天尊 三稱

道教學術資訊網

寶誥一遍

臣等伏聞

按摩導引尚非入道之階叩斗延年不盡長生之術煉汞砂而服餌詎即還丹採松菊而茹飡僅成辟穀即使仙居之琪花玉樹亦等人世之貴寶奇珍炫心目者有餘延年齡者不足緬維西華金母植桃雲嶺根蟠萬八里之交結蕊虬枝果熟三千年之紀丁期作會宴集羣仙環佩鏘鏘冠裳濟濟瓊筵殿夫繡幃黃寶貯以晶盤上中下洞府仙真均沾厚惠老少壯瓊臺仙媪咸得分甘鈞樂奏而悠揚霞觴飛而醉飽恩光希有指數靡窮臣等忝列玄門仰思懿範皈身皈命遙冀恩光謹潔齋壇虔恭

道藏輯要

金母懺

笑

柳集一

頂禮

至心朝禮

太妙天紫府化炁西華金母元君九拜

金臺亞姆領道上元夫人

金臺弼教司衡南極夫人

金臺分殿輔教紫微夫人

金臺分殿協化玉卮夫人

金臺分殿佐賢翠華夫人

金臺分殿贊善右英夫人

天孫雲錦太瑤織女星真

瑤池侍御雙成董女仙姬

瑤池侍御飛瓊許女仙姬

瑤池侍御靈華婉女仙姬

瑤池侍御安香段女仙姬

金臺從事嵩翠仙姥

錦閣從事鍾靈仙姥

芸閣領班雲和仙姑

芸閣內史萬善仙姑

瑤池侍御左右諸位仙姬

讚

道藏輯要

金母懺

卷

柳集一

靈飛妙典 度世仙鍼 吞符誦咒鍊身心 點石已成金

了證前因 冲舉沐恩深

大聖西華金母大天尊 三稱

寶誥一遍

臣等伏聞

清靜無爲每端居而簡出拯提有願恆馨歎而潛通恍如大士之感孚尋聲救苦儼若支天之響應動念垂慈淵虛冲漠之中神光普照赫奔靈通之用化度無邊緬維

西華金母聽不得聞而若可聞視不可見而偶有見周穆八駿踵瑤島而謁金容漢武三邀感誠求而臨御殿宣傳秘典仙壇

時於鸞鳳間錄真徒談玄聿垂訓誠慈懷莫盡宏願難名匪僅
坤道之宗師實為玄曹之眾母亦臨亦保無體無方臣等忝列
玄門仰思懿範皈身皈命遙冀恩光謹潔齋壇虔恭頂禮

至心朝禮

太妙天紫府化炁西華金母元君九拜

金臺亞姆領道上元夫人

金臺弼教司衡南極夫人

金臺分殿輔教紫微夫人

金臺分殿協化玉卮夫人

金臺分殿佐賢翠華夫人

道藏輯要

金母懺

尖

柳集一
川文

金臺分殿贊善右英夫人

天孫雲錦太瑤織女星真

瑤池侍御雙成董女仙姬

瑤池侍御飛瓊許女仙姬

瑤池侍御靈華婉女仙姬

瑤池侍御安香段女仙姬

金臺從事嵩翠仙姥

錦閣從事鍾靈仙姥

芸閣領班雲和仙姑

芸閣內史萬善仙姑

瑤池侍御左右諸位仙姬

回向

伏念道妙之玄玄無二上感孚之捷捷於一心敬維西瑤聖母
純全梵炁先天地以素存化現妙身本庚辛而顯異開天覺世
品則清高御聖統仙職則清貴而且清貞堅不壞之身清華留
臨鸞之詠隨方接引在在咸被春風到處化神時時備徵仙趾
兜率宮賴分衡乎道籙彌羅闕仗廣播乎玄風十洲三島仰徽
音闈苑蓬萊叨淑德讚歎曷罄感戴靡涯以今法事周圍諒蒙
垂鑒爰偕道眾各秉真香翹首天街俯伏送駕為上良因再申
稱念

道藏輯要

金母懺

允

柳集一
川文上

西華金母大天尊

三稱

覃恩不可思議功德

收讚

西華金母

功德周圓

瑤池飄渺麗雲天

鸞鶴駐祥烟

仙樂奏闐闐

齊俯首

拜階前

惟願恩光徧大千

羣生

叨福庇

福壽慶長綿

大聖金母迴光大天尊

三稱

太上清靈毓真西華瑤池金母寶懺

全

廣化弟子惠覺校訂